

Ilanngussaq J



Aningaasaqarnermut Akileraartarnermullu Ataatsimiititaliaq

NUKINGIUSSAQ

AIS2023-p pingajussaaneerreqarnissaanut apeqqutit

Aningaasaqarnermut Akileraartarnermullu Ataatsimiititaliaq arfininngornermi ulloq 19. november 2023 allakkatigut apeqqutit arlallit, ataatsimiititaliaq ilassutitut isumaliutissiisummik saqqummiussinissaa siunertaralugu, ulloq taanna akineqarnissaat qinnutigalugu saqqummiuppai.

Apeqqutit matumuuna akineqarput, sivikitsuararsuarmillu piffissaqartinneqarneq eqqarsaatigalugu, annikinnerusumik kukkussuteqarsinnaaneq amigartumilluunniit akissuteqarsinnaaneq Naalakkersuisut sillimmartaarfigaat.

Apeqqut 1:

Allannguutissatut siunnersuummut nr. 53-imut konto pingaarnermut 20.11.56-imut, missingersuutitut iluarsinermut tunngasumut, atatillugu aningaasaliissuteqaqqinneq Naalakkersuisunit qanoq piviusorsortutut isigineqarnersoq paasissutissiisutigineqassasoq ataatsimiititaliamit kissaatigineqarpoq.

Akissut:

Allannguutissatut nr. 53-kkut kontumi pingaarnermi 10.98.01 Digitaliseeriinermi Aqutsisoqarfik aningaasaliissutit 2023-mi 4.400.000 kr-nik qaffanneqarnissaat, ukiunilu missingersuusiorfiusuni tamani 4,4 mio. kr-nik qaffanneqarnissaat Naalakkersuisut siunnersuutigaat.

Allannguutissatut siunnersuut piviusorsortutut pisariaqartutullu isigineqarpoq. Maani nutatsinni qarasaasiakkut pinerliinianik allanillu qarasaasiakkut ulorianartunik saassunneqarsinnaanerput ajoraluartumik piviusuuvoq. Tamanna kingullermi Kommune Kujallermi misigineqarpoq. 2022-p upernaanerani Namminersorlutik Oqartussat qarasaasiaasa saassunneqarnerat qarasaasiat pigineqartut isumannaallisaanikkut aqqissuussaaneranni arlalinnik sanngееquteqarnerannik iliuuseqarfigisariaqakkatsinnik ersersitsivoq. Tassunga aningaasartuutit uggornartuusinnaapput, aningaasartuutilli qarasaasiakkut saassussinerup pisortanut, innuttaasunut suliffeqarfinnullu annertooujussuarmik akornusiisinnaanerannut sanillersuullugit qissiminneqassapput.

Ataatsimiititalia apeqquteqarnera aningaasaliissutissanut qaffaatissatut siunnersuutigineqartoq siunissami naammannissaanut aarlerinerik ersersitsisuuppat, ersarissuik akissuteqarnissaq ajornakusoorpoq. Qarasaasiatigut pinerliiniartarneq ineriartortuarpoq, nunarsuarmilu aarleqqutit allanngorartuarput. Uagut inuiaqatigiittut aqqissuussatullu aamma ukiuni aggersuni unamillernartunik nutaanik passussinissamat piareersimasariaqarpugut. Namminersorlutik Oqartussat Danmarkimi Center for Cybersikkerhedimik suleqateqarnermik aallartitsivoq, taannalu ingerlaavartumik siunnersuullunilu nutartikkanik aarleqqutitut naliliinernik kiisalu isumannaatsuunerup

Brevdato: 19-11-2022
Sagsnr. 2022 - 18233
Akt id. 21802233

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

qaffasissusaanik aalajangersaanissamut teknikikkut ikiorsiisarpoq. Kalaallit Nunaannut isumannaatsuunikkat aarlerinaat qaffappat, isumalluutiniq allanik atugassiinissamik pisariaartitsisoqarnerisoorunami isummerfigineqassaaq.

Apeqqu 2:

Allannguutissatut siunnersuummut nr. 54-imut konto pingaarnermut 20.11.70-imut, suliniutinut nutaanut sillimatinut tunngasumut, atatillugu tulleriinnilersuinerup, tassalu aningasaliissuteqariarluni kingusinnerusukkat meeqqanut tapiissutit pillugit inatsisissatut siunnersuummik suliaqarnissap erseqqinnerusumik nassuaatigineqarnissaa ataatsimiititaliamit kissaatigineqarpoq.

Akissut:

Allannguutissatut nr. 54-kkut kontumi pingaarnermi 20.11.70 Suliniutinut nutaanut Sillimmatit aningaasaliissutit 2023-mi 3.950.000 kr-nik qaffanneqarnissaat, ukiunilu missingersuusiortifiusuni tamani 7,9 mio. kr-nik qaffanneqarnissaat Naalackersuisut siunnersuutigaat.

Meeqqanut tapiissutiniq tunniussinissamut inatsisitigut tunngavik, suliffissarsiornerup nalaani ikiorsiissutit pisortallu ikiorsiissutaat pillugit inatsisit nutaat, ulloq 1. juli 2023 atuutilersussat, atuutilernerannut atatillugu atorunnaarneranik allannguutissatut siunnersuut tunuliaqutaqarpoq. Taamaammat meeqqanut tapiissutit pillugit inatsimmik nutaamik, suliffissarsiornerup nalaani ikiorsiissutit pisortallu ikiorsiissutaat pillugit inatsisit atuutilernerat peqatigalugu atuutilersinnaasumik saqqummiussinissaq Naalackersuisut naatsorsuutigaat.

2023-p ingerlanerani inatsit nutaaq akuerineqarpat atugassanngortinneqarnissaat siunertaralugu, aningaasaliissutit sillimatinut immikkoortinneqarput. Tamanna periutsit atorneqartumut naapertuuppoq.

Apeqqu 3:

- a) Aningaasaliissutit aningaasartaat ukiunilu missingersuusiortifinni piffissanut inissinnerat suna tunngavigalugu pisimanersoq paasissutissiissutigineqassasoq ataatsimiititaliamit kissaatigineqarpoq.
- b) Qinigaaaffinnik pingasunik ukiut 14-it tikillugit siviussuseqartumik piffissaliinissaq sooq pisariaqarpa? Assigiinngitsutigut sukkasuumik ineriartortoqarnera, tassunga ilanngullugu teknikikkut sukkasuumik ineriartortoqarnera eqqarsaatigalugu qinigaaaffinnik ataatsimik marlunnilluunniit siviussuseqartumik piffissaliinissamut periarfissaqarpa?

3a-mut akissut:

Allannguutissatut nr. 9-kkut kontumi pingaarnermi 20.11.56 Missingersuutiniq iluarsineq, allaffissorneq aningaasaliissutit 2025-mi 2026-milu -38,5 mio. kr-nik qaffanneqarnissaat Naalackersuisut siunnersuutigaat.

Allannguutissatut siunnersuut allannguutissatut siunnersuutiniq tulliuuttunut ukununga ataqatigiissillugu isigineqassaaq: 9, 10, 22, 23, 24 aamma 25. Ataqatigiiffii takussutissiivimmi tulliuuttumi ersersinneqarpoq:

Nr.	Konto pingaa Navn	2023	2024	2025	2026
9	20.11.56 Missingersuutininik iluarsiiineq, allaff.			- 38,5	- 38,5
10	20.11.70 Suliniutitut nutaanut sillimmatit			- 50,0	- 50,0
22	72.24.02 Mittarfeqarfiit, Naalagaaffimmut kiffar	-6.400	6,4	6,4	6,4
23	72.26.02 Mittarfeqarfiit	4.900	4,9	4,9	4,9
25	87.73.22 GLV - Mittarfeqarfiit	-10.000	10,0	10,0	10,0
		-11.500	11,5	-100	-100
24	72.26.04 Mittarfeqarfiit A/S	11.500	11,5	100	100

Nalunaarsugaq: Kontumi pingaarnemi 20.11.70 aningaasaliissutini Mittarfeqarfiit A/S-mut tunngasuinaat takussutissiivimmi takutinneqarput.

Allannguutissatut siunnersuutit arfinillit ataatsimoortuupput, suliffeqarfimmilu namminersortitami Mittarfeqarfiit tunngasimi ingerlatsinermut tapiissutitullu aningasaliissutinik arlalinnik kontumi nutaami 72.26.04 Mittarfeqarfiit A/S ataatsimoortunngortitsinissamut siunertaqarlutik. Kontumut pingaarnemut nutaamut tassunga aningaasat sillimmatit kontu pingaarneq 20.11.70 Suliniutitut nutaanut sillimmatit siusinnerusukkut aningaasaliissutaareersut nuunneqassapput.

Allannguutissatut siunnersuutit Inatsisartut inatsisissatut siunnersuummik UKA2022/125 Mittarfeqarfiit aktiaatileqatigiiffingortinnissaannik akuersinerannik tunuliaqutaqarpoq, allannguutissatullu siunnersuutit siulianiittut inatsisip atortuulersinneqarnerata ilaatut isigineqassapput.

Allannguutissatut siunnersuut nr. 9 pisortanut sipaarutissat piviusunngortinnissaannut aningaasaliissutitigit tunngavissamik qulakkeerinninnissamik siunertaqarpoq, tassa namminersorlutik oqartussani kommunilu Nuummi Ilulissanilu mittarfiit nutaat atulerneqarnerisa malitsigisaannik ilimagineqartunik. Mittarfiit 2024-p naanerani atorneqalernissaat naatsorsuutigineqarpoq, taamaammallu aningaasaliissutissat ukiunut 2025-mut 2026-mullu tunngassuteqarput.

3b-mut akissut:

Apeqqut allannguutissatut siunnersuummut nr. 9-mut toqqaannartumik attuumassuteqanngissorinarpoq. Taamaammatt apeqqutip allannguutissatut siunnersuummut nr. 102-mut atumanerunera Naalakkersuisut akissutiminni toqqammavigaat. Allannguutissatut siunnersuutikkut nr. 102-kkut kontumut pingaarnemut 72.26.04 Mittarfeqarfiit A/S oqaasertaliussaq nutaaq, Mittarfeqarfiit aktiaatileqatigiiffingortinneqarnerat pillugu Inatsit Inatsisartut akuereqammisaat naapertorlugu nunap imikkoortuini timmisartoqarfinnik ingerlatsinissamut aserfallatsaaliinissamullu Naalakkersuisut Mittarfeqarfinnik ukiunut arlalinnut isumaqatigiissusiorsinnaanerannik piginnaatitsisoq siunnersuutigineqarpoq.

Isumaqatigiissutit taamaattut piffissamut ukiut qulit angullugit sivilissuseqartumik isumaqatigiissuteqarsinnaaneratt, marloriarlunilu ukiunik marlunnik sivitsorsinnaanerannut periarfissaq oqaasertaliussani taaneqartuni atuarneqarsinnaavoq. Taamaallilluni piffissaq ataatsimut isumaqatigiissusiorfiusoq sivitsuinerit ilanngullugit ukiunit 14-nit sivilissunerinnaanngilaq.

Ineqarnermut Attaveqaqatigiinnermullu Naalackersuisoqarfik apeqqutip uuma akineqarnissaanut ilassusiinissamik qinnuigineqarpoq. Naalackersuisoqarfik ima paasissutissiivoq:

"Sullissinissamik isumaqatigiissutinut siunnersuut nunarput tamakkerlugu suluusalinnik mittarfiit heliportillu ingerlanneqarnerannut aaqqissuussinerup pitsanngorsarnissaanik kissaateqarnerup malitsigiaa, taamaalilluni suliffeqarfik tamaat akimorlugu ataatsimut patajaatsumik tutsuiginartumillu ingerlatsisoqarsinnaaqullugu.

Immikkoortup ingerlanneqarneranut aningaasartuutit isertitanut sanilliullugit annertupput. Ukiut arlallit ingerlaneranni suluusalinnut mittarfinnut heliportinullu aningaasaleeqqinnerit naammattumik pisarsiangillat.

Piffissami sivisuumi atuuttussamik sullissinissamik isumaqatigiissuteqartoqanngippat, tamanna suluusalinnut mittarfiit heliportillu minnerit, amigartooruteqarnerpaaffiusut, iluarsartuunneqarnerannut kingunerluuteqassaaq.

Sullissinissamik isumaqatigiissut suluusalinnut mittarfiit heliportillu ingerlaavartumik atorneqarsinnaassuseqarlutik ingerlanneqarlutillu iluarsartuunneqarsinnaanerisa qulakkeernissaat siunertaavoq, minnerunngitsumik nunaqarfinni isorliunerusunilu. Aserfallatsaaliinissamut pilersaarutit nalinginnaasumik ukiut 20 – 30-nik sivisussusilimmik sivisussuseqartarput.

Tassunga sanilliullugu sullissinissamik isumaqatigiissut ukiunit qulinit 14-nut sivisussusilik sivisugisassaangilaq, Mittarfeqarfiit A/S-lli iluarsartuussinermut ungasissumik sammisumik pilersaarutit, nunarput tamakkerlugu, minnerunngitsumik nunaqarfinni isorliunerusunilu, amigartoorutit annertunerpaaffiini, suluusalinnut mittarfinnut heliportinullu iluaqutaasussanngorlugit suliarineqartunik ingerlatsisinnaaneramik qulakkeerinnittuuvoq.

Mittarfeqarfiit A/S-mik sullissinissamik isumaqatigiissut nunarput tamakkerlugu suluusalinnut mittarfiit heliportillu ingerlanneqarnerannik qulakkeerinnittoq, Mittarfeqarfiit aktiaatileqatigiiffingortinneqarnissaannik Inatsisartut aalajangeqqammisaannut naapertuuppoq."

Apeqqut 4:

Inuussutissarsiuteqarfimmi nutaami tassani siunissamut pilersaarutit, kissaatit ingerlatassatullu periarfissat tigussaasumik itisilernerneqarnissaat ataatsimiititaliamit kissaatigineqarpoq.

Akissut:

Kalaallit Nunaata qaarsortaani kuldioxidimik (CO₂) toqqorsisoqarsinnaaneramik imaluunniit akuutissanik atassusiinikkut, CO₂-p qaarsuut aatangiisiinut isuariarluni tigussaasunnungussaaq (karbonat). Periutsit taaneqartut marluk silaannaap pissusaanik ajornartorsiutit ilaasa aaqqiivigineqarnissaanut periutsit nalinginnaasumik akuerisaapput.

Suliniut nutaaq matumani pineqarpoq, immikkoortuullu periusissiaq maanna suliarineqarpoq. Suliniulli nunatsinni nutaamik mingutsitsinngitsumik

inuussutissarsiornikkut ineriartortitsinermit tunngavissiisinnaasutut neriuutaavoq. Ataatsimut isigalugu ukiunut marlussunnut tullernut pilersaarutit immikkoortunut pingasunut aggulunneqarsinnaapput.

Immikkoortumi siullermi (2022 aamma 2023) CO₂-mik toqqorsinissamut ujarassiornikkut periarfissat misissorneqassapput. Kitaani, kujataani Tunumilu immikkoortut nassaarineqarput. 2022-mi Qeqertarsuup tunua aallunneqarpoq, tassanilu basalteqarfiit annertuut nassaassaapput. Tamaani misissueqqaarnerit ingerlanneqarput, ujaqqallu CO₂-mik karbonatinngortisisinnaasusaanik nalilersuinissamut missueqqissaartoqarpoq. Inernerit siulliit pitsaapput. 2023-mi katersineq piffinnut allanut annertusineqassaaq. Ingiaqatigisaanik CCS-imi ingerlatsivinnilu CCS-mik immikkut ilisimasalinnik animut suleqateqarluni teknikimik ilisimasat katersorneqassapput.

Immikkoortoq 2-mi (2024 aamma 2025) immikkoortoq 1-mi paasissutissat CO₂-mik misileraalluni qillerisoqassanersoq, taannalu sumi pissanera pillugu paasissutissat nalilersorneqassapput. Misiliilluni qillerinissaq immikkoortoq 2-mi pisussatut ilimagineqarpoq, avataanillu aningaasaateqarfinit aningaasalersorneqarsinnaalluni. Alaatsinaanneq misiliillunilu qillerinermit atatillugu ingerlaavartumik misissueqqissaarnerit aallartinneqassapput. Ujarassiornikkut misissuinerit nunatsinni piffinnut allanut CO₂-mik toqqorsinissamut periarfissaqartunut annertusineqassaaq.

Immikkoortoq 3 (2026 aamma 2027) alaatsinaanneq, misissueqqissaarnerit misiliillunilu qillerinermit inernerit misissuiffissallu nutaatigut nanginneqassapput. CO₂-mik toqqorsinermit akuersissutinut malittarisassat inatsisitigullu sinaakkutit atuutilersinneqassapput. CO₂-mik toqqorsisarnermit pisortat ingerlatseqatigiiffiannik pilersitsisoqassanersoq nalilerneqassaaq. Immikkoortumi tassani ingerlatseqatigiiffinnut nitttarsaassinernik suliniutit aallartinnissaat naapertuutissaaq.

Apeqgut 5:

Immikkoortoq 7-imut, suliffissarsiornermi ikiorsiissutit pisortanillu ikiorsiissutit pillugit inatsisinut nutaanut tunngatillugu, aningaasat ukiuanni 2023-mi atuinissaq qanoq ingerlasussatut naatsorsuutigineqarnerisoq paasissutissiissutigineqassasoq ataatsimiititaliamit kissaatigineqarpoq. Aningaasanut inatsisip ukiuani aningaasaliissutit 11 mio. kr.-init 8,5 mio. kr.-inut ikilineqarsimasut ataatsimiititaliamit maluginiarneqarpoq.

Atuutilersitsinissaq Inatsisartut 1. juli 2023-mut kinguartippaat. 8,5 mio. kr.-inik immikkoortitsinerup allangortinneqannginneranut tunuliaqutaasup paasissutissiissutigineqar-nissaa ataatsimiititaliamit kissaatigineqarpoq. Ukiumut ilivitsumut aningaasaliissutit 11,5 mio. kr.-iummata, soq ukiup affaanut aningaasaliissutit 11,5 mio. kr.-it affaat pinnagit 8,5 mio. kr.-iussappat?

Akissut:

Pissutsit kommuninik ataatsimoortumik tapiissutit pillugit isumaqatigiisummik, Naalakkersuisut kommunillu ulloq 15. november 2023 isumaqatigiisutigisaannik tunuliaqutaqarput.

UPA2022-mi siunnersuut una akuerineqarpoq: Suliffissarsiortunut ikiorsiissutit pillugit Inatsisartut inatsisaat (immikkoortoq 23) aamma Pisortanit ikiorsiissutit pillugit Inatsisartut inatsisaat (immikkoortoq 24). Inatsisit ulloq 1. januar 2023 atuutilersussaagalarput.

Kommunit kissaateqarnerisigut inatsisit atuutilerfissaat ullormut 1. juli 2023 kinguartinneqarpoq, takuuk inatsisissatut siunnersuutip UKA2022/183 akuerineqarnera.

2023-mut Aningaasanut inatsisissatut siunnersuummi kontumut pingaarnermut uunga ulloq 1. januar 2023-mi inatsimmik atuutilersitsineratigut kommunit aningaasartuutaannut 11,0 mio. kr-nik immikkoortisoqareerpoq. Inatsisip atuutilernissaanut ukiup affaanik kinguartitsineq Nunatta Karsiata 2023-mi aningaasartuutip taassuma mikinerunera soorunami malitsigissavaa. Tassunga atatillugu inatsisip malitsigisaanik kommunit ukiumut 6 mio. kr-nik sipaarutaat aallaqqaammut ilimagineqartutut 2023-mi pinnatik aatsaat 2024-mi pinissaat Naalakkersuisut kommuninik isumaqatigiissutigaa. Nunatta karsiata kommunit inatsisinik nutaanik isumaginninnerannut tapiissutaasa 2023-mi 11 mio. kr-nit 8,5 mio. kr-nut annikillineqarnerat allannguutit taakku nassataarat.

Taamaalilluni naatsorsugaq ima isikkoqalerpoq: (11 mio. kr. affaa) + (6 mio. kr. affaa) = 8,5 mio. kr.

Ataatsimoortumik tapiissutinik isumaqatigiissut linkini uani qupperneqarsinnaavoq:

Kalaallisut:

https://naalakkersuisut.gl/-/media/naalakkersuisut/filer/dep/finanser/bloktilskud/kommunerne/aftale-bloktilskud-2023_kal.pdf?la=kl-gl&hash=E75CAF15279DCB1D3C5F3E0318BEE1FC

Qallunaatut:

https://naalakkersuisut.gl/-/media/naalakkersuisut/filer/dep/finanser/bloktilskud/kommunerne/aftale-bloktilskud-2023_dk.pdf?la=da&hash=DAB452DD9F4B2ED4AD0677B3CF6E87AF

Apeqquut 6:

Akitsuutinut assigiinngitsunut isertitassatut missingikkat iluarsisuteqarfigineqarnerat iluarisimaarini ataatsimiititaliap immikkoortup matuma misissornerani oqaatigaa. Tamatumunnga mianersorpallaamik naatsorsuutiginninneq, taamaalillunilu akitsuutinut suliaasaqarfimmi iluanaarutissatut naatsorsuutigisanik minnaarilluni nalliineq pisuunersoq paasissutissiissutigineqassasoq ataatsimiititaliamit kissaatigineqarpoq?

Akissut:

Naalakkersuisut aningaasanut inatsisissatut siunnersuutaat upernaap aasallu aallartinnerani suliarineqartarpoq. Taamaammat aningaasanut inatsisissatut siunnersuummi akileraarutinut akitsuutinullu isertitassatut missingiutit ineriartornivimmut, qaammatillu tallimat matuma siorna siunissamut taamanikkut ilimagineqartunik toqqammaveqartarluni. Piffissap taamaalinerani Ruslandip Ukrainemik saassussinerata malitsigisaanik nunarsuarmi pissutsit aningaasaqarnikkut quarsaarsimanermik annertuumik nalaataqarfiupput. Piffissap sivikitsup ingerlanerani nunarsuarmi uuliap akii aningaasallu naleerukkiartornerat annertuumik qaffariarpoq, kalaallilu avammut tunisassiaannut pingaarutilik russit niuerfiat ullormit ullormut peerpoq, tamatumalu akit apparuarujussuarnerat malitsigaa. Aarlerinartorsiornerup qanoq annertussuseqarlunilu sivisussuseqarnissaanut Naalakkersuisut siumut eqqoriaanissamut periarfissaqanngillat, tamannalu eqqarsaatigalugu isertitat allanngunnginnissaannik aallaaveqaannarluni missingersuusiornissaq akisussaassuseqanngitsuliornerusimassagalarpoq.

Isertitat tamarmik nalinginnaasunngoqqissimannginnerat tassunga atatillugu eqqummaariffigineqassaaq. Taamaalilluni soraarnerussutisiassanik katersanit iluanaarutisianit akileraarutigut isertitat; PAL-imik akileraartut, 2023-mi 45 mio. kr-nik annikillineqarnissaa pisariaqarsimavoq. AIS23-mik suliaqarnermut atatillugu Naalackersuisut nunarsuarmi aningaasarsiornermik naliliisimanngikkaluarpata, aningaasanik inatsimmik suliaqarnerup ingerlanerani taamak annertussusilinnik allanik sipaarniuteqarnissaaq pisariaqarsimassagaluarpoq.

Taamaalillutik mianersorpallaamik missingersuusiorsimanatik Naalackersuisut isumaqarput.

Apeqqu 7:

Konto pingaarnerup normua taaneqartoq missingersuutininik iluarsiinermut, allaffissorneq, tunngammat ataatsimiititaliamit oqaatigineqassaaq. Tamatuma peqatigisaanik ataatsimiititaliamit oqaatigineqassaaq taama taaguutilimmik konto pingaarneqarmat 20.11.51-imik aammalu tassunga oqaasertaliussaqanngimmat. Tamatumunnga suna pissutaava?

Akissut:

Kontup normuani annikitsumik kukkuneq matumani pineqarpoq. Allannguutissatut siunnersuut nr. 90 kontumut pingaarnermut 20.11.51 Aaqqissuusseqqinnerit sunniutaannut tunngavoq. Naalackersuisut allannguutissatut siunnersuut nr. 90-mik nutaamik eqqortumik kontup normuanik imaqartumik ataatsimiititaliap ilassutitut isumaliutissiissummik saqqummiussinissaa sioqqullugu Aningaasaqarnermut Akileraartarnermullu Ataatsimiititaliap allatseqarfianut tunniussissapput. 2023-mut Aningaasanut Inatsimmut inaarutaasumut allaffissornermi katersuinermi, kontu pingaarneq 20.11.51 Aaqqissuusseqqinnerit sunniutaat missingersuutininut tapiliussami, kontumi pingaarnermi oqaasertaliussanik ivertitsisoqarnera allanneqassaaq.

Apeqqu 8:

Oqaasertaliussamat siuliani taaneqartumut nassuiaatini immikkoortoq ima oqaasertaqarpoq:

"Tulleriarinernut tamakkununnga tunngavissaqarnissami tunngavissaq assigiisseq nutartigarlu atorineqassaaq, taannalu ingerlaavartumik nutarterneqartassaaq." Ilaatigut Naalackersuisut allakkiaat "Inissianut aaqqissuusseqqinnissamat aallaaviusussaaq" ukioq manna 10. augustimeersoq innersuussutigineqarpoq. Tamatuma erseqqinnerusumik itisilerneqarnissaa ataatsimiititaliamit kissaatigineqarpoq.

Akissut:

Kontumut pingaarnermut 20.11.51 Aaqqissuusseqqinnerit sunniutaat ilaatigut pisortat inissiaataasa iluarsartuunneqarnissaannut annertunerusumik taarsigassarsinissamat tunngavissinneqarnissaaq pillugu pingasunik oqaasertaliinikkut Naalackersuisut qinnuteqarput. Taamatut taarsigassarsinissamik qinnuteqarnissami, taarsigassarsiap akissussaassuseqartumik naammassinniffiulluartumillu atorineqarnissaata uppersarsarneqarnissaa piumasaaqaataassaaq. Aningaasat tunngavissaqarluartumik aallaaveqartumik pingaarnersiorneqarnissaat tamatuma malitsigaa, soorlu illorsuit ilaasa ajoquteqarnerulinginnissaat iluarsaakkasuagassallu qulakkeernissaannut pisariaqartitat ilanngullugit. Taamatut pingaarnersuuinissap soorunami assigiaakkamik nutartikkamillu pisortat inissiaataasa attartortikkat iluarsanneqarnissaannut qanoq issusaannut paasissutissat nutartikkat pigineqarnissaat tunngavissaatinneqarpoq.

Tamanna allakkiami "Ineqarneq pillugu aqqissuusseqqinnissami aallaavissaq" qupperneq 6-7 ima allassimasoqartumi nassuiarneqarpoq:

"Iserit A/S-ip kiisalu Illuut A/S-ip inissiaataat eqqaassanngikkaanni, pisortat inissiaataanni attartortittakkani tamangajanni qanoq annertutigisumik aserfallatsaaliisoqarsimannginnersoq Inissianut Tamanut Pilersaarutip ilaatigut takutippaa. 2022-lli qiteqqunnerani inissiat tamakkerlugit nalunaarsorsimassasut, ilanngunneqarsimassasullu naatsorsuutigineqarpoq.

2022-mut Aningaasanut inatsimmi konto pingaarnermut 72.02.03 Inissialiortiternernut aqutsinermut pilersaarusiornermullu aningaasartuutitut oqaasertaliussaq nr. 1 naapertorlugu, qanoq-issutsinik naliliinerit tamarmik qarasaasiatigut Paasissutissiisarnermi Pilersaarusiortarnermilu Sakkussamut (IPP) kisitsisinngorlugit nalunaarsorneqareerput.

Najugaqarfii, illoqarfii, kommunit nunalu tamaat isigalugu akimortumik isiginnissuseqarsinnaanissaq angujumallugu, inissiat qanoq-issusiisa nalunaarsorneqarnerisa saniatigut ingerlatsinermi, Pilersaarutaasumillu Aserfallatsaaliinermi (PA) aningaasartuutit nalunaarsorneqarput."

Apeqqu 9:

Konto pingaarnermut 70.01.07-imut, Sanaartornermi Oqartussanut tunngasumut, oqaasertaliussaq Nr. 3 ilanngunneqassasoq kissaatigineqarpoq, tassani 25 % tikillugu atuinerussutinik atuinikinnerussutinilluunniit nuussinissamut Naalakkersuisut piginnaatinneqarlutik. Sooq taama annertutigisumik procentiliisoqarnersoq nassuiarneqassasoq ataatsimiititaliamit kissaatigineqarpoq.

Akissut:

Allannguutissatut siunnersuummi nr. 99-mi nuussinissamut periarfissatut siunnersuutigineqartoq 1,8 mio. kr-t missaannik nuussinissamik periarfissatut naleqarpoq. Allannguutissatut siunnersuutikkut oqaasertaliussaq illuuteqarnermut oqartussaasumut, inissianut tamakkiisumik pilersaarummik suliaqarnermi piviusunngortitsinermut tunngatillugu pingaarutilimmik inissisimaffeqartumut attuumatinneqarpoq. Ilaatigut paasissutissanik pissarsiniarnermik kommunillu, kommunit inissiaatileqatigiiffii, Illuut A/S INI A/S-lu akimorlugit iluarsartuussinissamik suliniutissanik ataqatigiissaarinnissamik suliat annertuut pisussanngorput. Tamanna iluarsartuussinermik aqutsisoqarfik suleqatigalugu pissaaq. Suliassat taakku annertunertigut suliniutinut assingusuussapput, taamaammallu aningaasaliissutinik atuneq ukiup qaammataani aqqaneq marlunni assigiiartumik pissannginnera ilimagineqarpoq. Taamaalilluni naapertuuttumik nuussinannaanermik periarfissaq sulineramik assigiiarnerusumik ingerlaavartumillu ikorfartuisuusussatut isigineqarpoq'.

Inussiarnersumik inuulluaqqusillunga

Naja H. Nathanielsen

Naja H. Nathanielsen